

太上

律脈

龍門

正宗

龍門傳戒譜系引

自昔五祖心傳說盡虛無妙旨七真演教備言清靜玄

宗萬枝玉蕊闡全真七朶金蓮流法派自我

長春邱祖道冠天人德通神聖帝王齊心而下問宰官

護法以崇玄丕振宗風廣行戒律破羣生之迷惑皈依

清靜之門開後學之進修了悟陰陽之秘不得真傳實

授安能出世超塵法脈無差源流可覓謹將龍門譜系

按代相承錄之以待有志續傳衣鉢光顯家風是則教

門有所望焉

龍門傳戒譜系

第一代趙律師

師姓趙諱道堅道號虛靜子家
世南陽生於大定三年癸未天
姿淡靜兒時有道者相之曰神
清骨奇處世中豈能久留及長
詣華亭就丹陽諸益丹陽納之
迨丹陽歸終南命往龍門侍長
春而親訓矣己卯歲長春赴召
西域道侍行者師為之首遂從
真君閑教立功凡有作為不言
而喻真君與語奇之曰此元門
柱石天仙領袖也既得清靜自
然之秘傳河南道士張碧芝為
龍門正宗第一代律師元至大
年間加封為中貞翊教主應真
人

丙戌嘉平月後裔高仁嗣謹識



龍門傳戒譜系

第一代傳戒律師姓趙名道監號虛清南陽新野人初業



儒博聞強記精於體認不為應世之學慎重謹默鄉里

稱為古人喜觀經典尤善老莊與世浮沉聞七真演教

獨攜瓢笠謁長春真人誠敬精嚴執弟子之禮真人

與語奇之曰此玄門柱石天仙領袖也常從真人遊燕

闡教立功凡有作為皆不言而同既得清靜自然之秘

棲隱龍門多載復侍真人於白雲觀統率大眾於大

元至元庚辰十七年正月望日受初真戒如法行持傳

受中極妙德無漏遂傳心印天仙大戒修持凡有三十

年功圓行滿將化以戒法口訣於大元壬子元年十月

望日傳河南道士張碧芝

第二代碧芝張律師

師諱德地各隨人切以奉
供為德經財好義正長息
然服俗員書及杖過訪高
真思補長春於海上及聞
本縣已授虛靜遂往師事
之十有八年不授一語而
親獲益度虛靜知為道器
即以注命之事與授師於
聽聞之下豁然頓悟已而
杖策而行隱於華山數年
後遊漢宮遂立白雲觀時
我數次從持大法竹與弟
子陳致和以繼其傳道通
於山谷之間不知所終



第二代傳戒律師張名德純字碧芝河南洛陽人也形容




魁偉秉性豪傑多致術士丹客家計大耗忽於病中有
曰是皆無益於生死大事乃棄家為道士除舊習精求
玄旨時年三十餘矣聞龍門衣鉢已付趙祖遂以弟子
禮事之凡一十八年並無一言指授誠敬不移祖知為
道器將示化呼師近前囑曰昔吾師 長春真人大闡
玄風廣行教化得道之士亦為不少獨以無上真一之
道傳付於我敬謹受教誠演太上清靜玉律寶經今三
十餘年不敢輕付於人以辱太上真脈今付於子吾事
畢矣珍 珍重得法後隱華山於大元至正丁未年七
月望日傳東昌陳致中

第三代冲夷陳律師

師諱通微山東東昌府人幼慕元宗
兼通符錄間一施行大著靈異羽聞
碧芝談教華山往詣之長跪請教不
答遂深自貶抑皈依門下恪恭將事
三年如一日碧芝見其可教盡將心
法付與自此廣行教法大暢元風泰
晉之間黃冠羽流多所普渡明洪武
丁未年正月望日主持白雲開壇演
戒後以律法付弟子周元樸遂閉戶
自脩不復問人間事矣

後裔高仁嗣謹識



第三代傳戒律師陳致中名通微號冲夷子山東東昌府



人往來羽流間學正一驅邪祈禱之法大著靈異人爭
事之師苦其煩擾盡棄其學逃於華山過張真人舍時
真人方誦道德經恬然安適左右皆儀度間雅師執禮
長跪請教真人不答至再遂止宿乃深自謙抑皈依門
下勤行妙德苦志立功秦晉之間多所闡揚普度羽流
周遊名山後入青城隱居於洪武丁卯年正月望日以
律法付周大拙

第四代大拙周律師

師諱元樸陝西西安人也自幼
舉止不凡雅好澹泊不務俗學
脩然有出塵之志聞陳沖夷說
教青城山遂往拜門牆願為弟
子沖夷見師氣宇軒昂顧視清
高知為元門宗匠大加賞異自
是親承教誨默悟元機面壁五
十餘年不聞世事後北遊燕京
遂主白雲開壇演法事畢不辭
而去隱於幽谷不知所終

後裔高仁嗣謹識



第四代傳戒律師周玄樸號大拙陝西西安府人幼時不



凡篤信仙道躬耕自樂元季郊墊多事不能安居隱遯
終南會土寇倡亂徵聘異人搜求甚急遂棄家入青城
山皈依陳祖擔荷戒法是時玄門零落有志之士皆全
身避咎師隱青城不履塵市五十餘年面壁內觀時戒
弟子以闡教為功律門庶不致湮沒靜修一百一十餘
年景泰庚子七年十月望日以戒法付天台山者張宗
仁改名靜定以承戒法師不知所終

第五代無我張律師

師諱靜定浙江餘杭人也幼業
儒舉明經不仕隱於苕溪為人
清高絕俗燕契布衣嘗謂入世
出世異致同歸俗儒雙瞳如豆
一葉迷山反謂羽化登仙為重
妄無怪茫茫浩劫聞道者不能
求什一於千百也予不能鬱鬱
居此將訪高人於世外矣飄然
而去遇大拙周師於白雲師見
其和平蘊藉道氣親人知非俗
品悉傳祕密旋舉方丈後隱於
西山不出

後裔高仁嗣謹識



第五代傳戒律師張靜定浙中餘杭人也成化間舉明經



不仕講學於沼溪忽謂其子曰天地雖濶我當逍遙其
間若有陳希夷吾當北面事之安能拘拘老學究坐以
待死乎至天台依黃冠之敝廬吟咏唱和精入玄妙經
典丹訣一覽無餘後更號無我一日有乞食道者言天
台景致不如青城何不一遊遂遊青城至山上聞周真
人道德之名相見不覺屈膝曰真吾師也印証數語真
人曰道雖如是有一大事相託乃舉戒律宗派授之仍

還隱於天台於嘉靖壬子七月望日以傳弟子趙德源

第六傳德源趙律師

德源律師改名真嵩號復陽
瑯琊人也父母以乏嗣祈於
北斗得天花白鶴之祥降生
年二十精通書史真人父母
前後逝世彼時真人即懷方
外之遊意証仙果以酬父母
劬勞念五歲遠遊遍歷名山
大川後遇無我張真人同師
登瓊台雙闕坐大石間密付法
戒曰知子堪任自度度人以繼
太上一脈子不宜久居於此須
往王屋山清虛洞天了一大事真
人頷命遂別至是地而居後於
崇禎初歲正月望日密傳晉
之上黨王崑陽

法裔
陳明霜謹識



第六代傳戒律師趙德源改名真嵩號復陽瑯琊人也父



母以乏嗣祈於北斗神君得天花白鶴之祥降生方年

二十精通書史博覽道釋要典經書諸無不曉真人父

母前後逝世彼時真人即懷方外之遊意証仙果以酬

父母劬勞罔極之恩也念五歲辭塵遠遊武當茅山及

吳越間遍歷名山大川復於天台棲止葛廬謁無我張

真人於金庭洞天時初登桐柏宮歷盡崎嶇之艱忽睹

平陽大道甚悅贊揚不已老師應聲曰美則美矣爾知

更上一層否真人不知張師在彼也即近前拜謁儼然

似舊時相識盤談近修德業之旨大合張師之念真人

傾心皈依改名真嵩然請大道玄旨未之許也一日同

師登瓊台雙闕坐大石間師始密付戒法曰知子甚任

此責自度度人以繼太上一脈子不宜久居於此須往

王屋山清虛洞天了一大事真人領命遂別師至是地

而居後於崇禎初歲正月望日密傳晉之上黨王崑陽

骨瘦神情
旁倚鶴岸
紫衣我
先帝賜予
霜縵之上
噫然不語
斯人也
還丹自好
之徒乃
抱道樂施
之侶

庚戌春二月朔
日



第七代傳戒律師王常月自述云余乃山西潞安府長治



縣人氏時年弱冠向道之心甚篤遍遊名山踰越險阻
風霜道途歲月寒暑幾於相忘至王屋山遇一至人乃
復陽趙老師也隱居久矣屢懇指示師不答者月餘矣
余即食松柏飲清泉拜求更切師知念虔密於天壇王
母洞告盟天地授以戒律改名常月師囑曰成道甚易
而亦甚難然必以苦行為先語云大器晚成勉之慎之
余再拜受教八九年間參師二十餘位印証五十餘人
時國家多事軍需擾亂遙聞九宮山內有隱士余即趨
拜訪惜緣薄不遇他日再往至一所幽林茂密遙見一
人巍然端坐余即前拜之覲顏非他復陽趙老師也余
驚喜相加師問余曰十年間持心應物何得何失余歷
敘玄風頽敝橫說流行師曰君子窮於道之謂窮通於
道之謂通道備吾身何慮窮通乎哉遂以天仙大戒心
印密傳囑之再三余自受授以來朝謁名山棲遲雲水
茲不多記後於順治乙未秋遊京師掛耜靈佑宮時丙
申三月望日說戒於白雲觀因緣護法天然會合求戒
者衆凡三登戒壇得弟子千有餘人而求其道德真全
者法戒弟子譚子守誠廉靜純和堪任大事余以康熙
庚申歲九月九日授伊永其傳焉

第八代心月薛律師

師諱守誠楚人也天資卓
犖不羣能任大事父母早
世通達雲水已而參訪出
遊過秦漢之故都覽嵩山
太華之高北顧黃河之奔
流慨然憑弔古之豪傑來
走遼陽通塞下徧搜奇勝
曾次豁然時崑陽方設教
白雲敬往請益崑陽喜其
識焉因為指明大道服膺
二十餘年志意未嘗少懈
崑陽大悅悉以觀事委之
旋升方丈大暢元風不洩
崑陽高弟矣

從商高仁明謹識



第八代傳戒律師譚守誠道號心月自述云余楚之鄧縣



人氏南嶽瀟湘之間仙壇靈境屢有奇人余幼時曾遇
紺髮朱顏老人指余云此子骨相不凡他日可任大事

余始不知所云何謂也迨後父母早逝棄家訪道雲水
名山遍參有年皆以兢兢接待十方為要無他念也一

日崑陽王真人言余真誠不苟攜余前往武當演教而

初真中極次第授余謹恪修持二十餘載敬始慎終未

敢懈怠師知扶疎丹桂難藏明月之珠峭絕青山莫滯

白雲之迹於康熙十九年九月九日請當道護法以道

法真傳付焉余以儒理未深因緣福報未足以光顯先

真思為善守之計以待後人不意律脈中微戒堂無主

為道衆護法等迫推不得已主持法席原為道脈計非

余所敢私也今欣道脈有託所傳得人遂於康熙庚午

年十一月二十八日密傳楚之詹維陽以光祖意

第九代維陽詹律師

余幼思致君長懷出世脫胎江漢曾紹書香於孔孟門中身脫樊籠遂導淵源於元始會下遇龍沙之掩升於胥樂今見仙相之淨壇此其時也執叩師於外間刮目仙蹤檢大藏於乾元景行道妙拾遺偶於古洞得祕書於靈巖寔有天緣不可強也庚午冬月蒙諱師之希邁遠續祖燈會都門之上游徐觀山海中山有約復指神京演教十方接引多士敢云興衰起廢實以守先待後云爾此師自記敬錄如左師諱大林維陽其字也時在光緒丙戌嘉平上浣



第九代傳戒律師維陽子晉柏詹太林自述云余幼思致



君長懷出世胞胎江漢曾紹書香於孔孟門中穎脫玉

隆遂溯道源於元始會下遇龍沙之掩井於胥樂兮見

仙柏之掃壇此其時也親冲師於草閣刮目仙踪檢大

藏於乾元景行觀妙拾遺偈於仙洞得秘書於良常實

有天緣不可強也庚午冬月蒙譚師之希遇得續祖脈

會龍門之上遊徐觀山海中山有約復詣神京演教十

方接引多士內有穆清風苦志修持寒暑無間康熙四

十八年二月十三日節屆春中遂將大法付焉

第十代昇陽穆律師
師諱清風字昇陽隸籍中
州生有奇表幼慕真宗早
姜椿萱棄儒入道聞雲野
鶴杳無定踪聞維陽詹律
師設教朝元虛心受益執
禮甚恭律師慕其誠萬因
為指明大道拳拳服膺推
恐失墜侍律師二十餘年
志意未嘗少怠律師大悅
悉以觀事委之既而辭師
遠遊西逾巴蜀南經吳越
登岳陽下洞庭北折復入
於燕遂主白雲後授法弟
子朱浪陽留頌而逝

後裔高仁嗣謹識



第十代傳戒律師昇陽穆清風字玉房宗源姓呂繼託穆



氏戒律中續代傳燈必標本源故地中州慕道入玄雲
遊名山逍遙吳越朝謁乾元親遇本師維陽詹公歲在
己丑老祖誕日授我嗣傳又於成都梓潼宮演教歲在
甲午登壇三次領戒弟子保舉懇傳秦地朱子法名一
和素有道緣源流心印當續子傳於康熙丁酉歲仲冬
月庚辰日付以大法

第十一代德陽木律師

師扶風人諱一和德陽其字也
幼業儒及負盛名遠近咸師事
之一日忽謂弟子曰仙人羽客
古今相望載之簡牘許之人口
安見吾心致志不可羽化金仙
哉昔恐不得其門而入耳世有
陳希夷白海瓊其人吾當北面
事之龍勢勢大居此邪攜杖而
去聞修律師設教白雲遂往聽
法盡傳密秘未幾主持是觀特
化語大眾曰宗風不振日就衰
微青溪山素清風道門禪窟
此人不能扶其頤也後果如其
言信乎至誠可以前知矣



第十一代傳戒律師懷陽子朱一和字自明乃扶風人氏



少有高尚之心長無世俗之好惟以天文為願出家為

念為人行不由徑目不視華麗口不出狂言雖有驚急

不與人語椿萱早逝絕俗出家為道士遊至西蜀梓潼

宮開修接待常住建立養疾病院十餘歲冬夏卧不設

席朝夕手不釋卷一念純真無他志也甲午歲忽有清

風穆律師雲遊至此見師道德真純言行卓絕遂受三

戒得傳道脈師亦登壇三次不意仙脈衰微身被病恙

臨化語大眾曰欲得傳吾之法戒必須青城山人袁清

舉可任斯事堪光祖德以繼太上宗脈統序也

第十二代袁律師

師諱陽舉字九陽鳳翔人也主
而穎異超超恆流奉母至孝一
日出遊遇一異人修髯偉軀風
姿秀發飄然若仙知非塵俗中
人敬禮之忽謂師曰子元門大
器方外時人焉能久居塵世急
早修道羽化登仙不難也語畢
不見師乃誓天發願遁迹元門
棲鶴景福山清修二十餘載闢
發幽隱古迹多所表章後因叅
訪入都遂主是觀傳戒三次接
引多人率端方循謹之士而王
師却塵尤為傑出遂授以法服
然而去不知所終

後商高仁嗣謹識



第十二代傳戒律



師袁清舉法名陽舉號九陽西秦鳳翔

人也幼崇敦厚長習孝敬尊賢重聖行不越理一日從

母命至親眷家回轉路遇異人修髯偉貌飄然若仙師

敬禮之囑師語曰子道中人也學道即得仙矣語畢忽

無形師即盟天發願棄家修道遂訪至景福山出家修

道積功累行十數年復遊終南老君山重修古工四方

善信無不歡悅又遊西都隱居青城朝誦心印暮禮斗

真為功至甲午年緣遇昇陽律師在川省梓潼宮設建

律壇開化人天三壇已畢自雍正六年歲次戊申復遊

陝省景福山開建律壇至八年正月登壇三次內有却

塵王來還係燕京人氏年六十有四虔持道德經黃庭

經演虛無清靜之理不改其志經業尊崇可任祖脈以

闡玄風時在庚戌年正月望日授之大法以永其傳焉

第十三代却塵王律師

師諱來還燕人也才華卓

越骨格清奇髫齡時即有

出塵之想及長棄家不顧

曳杖西遊止華嶽玉泉洞

凝神聚氣幾絕煙火常獨

坐樹下每每達旦一夕靜

中見一高真飄然而來剖

析元微頓有所悟從此日

加刻勵精修數十載不問

世事既而出洞遊遊還燕

京遂主是觀開壇演法大

振元風後因享真人請赴

我壩侍戒遂以心法授之

復留偈示眾跏趺而化

後裔高仁嗣謹識



第十三代傳戒律師王來還號却塵子係燕京人氏幼信



東王公教長苦力行志期大道西遊關中住玉泉洞玄
真菴神會千真志周八極繼而登華嶽開闡教法雲集
道衆普施金針捨藥濟世了救度願得遇真人授以

太上律脈源流藏於石室後有李大真人請至涇陽嵯
峨山雲門宮傳道德黃庭經虛無清靜教救度羽流遠
紹仙踪據壇高級時聽戒者衆有白復禮者誠篤純樸
可任大事故以歷敘源流付之以衍其續

第十四代照圖白律師
師諱復禮長安人也生而
靈異冥心大道恨無指引
之人聞伍冲虛棲鶴華岑
往謁之冲虛謂曰爾緣在
北宜赴燕京闡明道法將
來領袖萃英名垂宇宙吾
不如也師遂奉命北上挂
耜白雲眾推為監院廣施
恩義於老幼廢疾之人尤
加意焉自此眾心悅服羣
呼為通真上人旋共舉為
方丈傳戒數次後以大法
付與祖師香岩曳杖而去
不復履於塵世矣

後裔高仁嗣謹識



第十四代傳戒律師白復禮字慧直號照圖子陝省綏德

州人氏幼時嗜道教不欲與俗流為伍年十九歲慨然
有出俗志東遊韓邑兩峪山靜坐數載未稱志後訪道
華峰受業於應詔道人伍子門下真心受學苦志立行
頗悟道意而應詔東去思欲得一境以自養雲遊關內
浴水觀名曰通真遂卜居焉修真養性苦志參玄證虛
無之妙道究金丹之正理廣施恩義疾痛顛連者必加
恩養多行方便窮途迷迹者深加警覺居不數載觀宇
改觀一方皆善風焉遠邇人氏莫不聞風慕義因號為
通真上人至於乾隆丁巳開演百日法戒得龍門程本
煥心甚喜之曰誠樸如是道無憂矣遂以受之却塵者
付之後閉關三載羽化昇仙

師諱本煥秦人也少有其
才博極羣書偶閱列仙傳
慕五祖七真之為人曰大
丈夫不當如是耶斷絕俗
務立志修真聞白真人傳
戒白雲往謁之真人一見
大契曰孺子可教也盡傳
心法受戒後益加勉力道
行卓著升座方大眾論翁
然然非所願也惟期舉賢
自代後得太華張師朗然
可興有為遂傳與大法宗
風賴之以振可謂付託得
人矣



第十五代傳戒律師程本煥號香岳西秦龍門人也幼棲



紫雲觀有學道志當其性嗜詩書已會儒家之奧旨既而泛覽諸子遂悟塵世之勞牢嘗自嘆曰此非所以修真處也於是卜象山修心煉已備嘗艱苦乾隆丁巳年白老律師開演戒期見其真純質樸因以道脉寄之自受戒之後益堅純修禁步三載誦詠皇經四方來者無不共欽道貌而大師虛懷若谷切切然方以功行未盡為憂復以傳賢為念茲於乾隆戊子年三月清明日登壇說戒幸得一人姓張名本瑞係晉代州人出家於太

華峰可與有為而道脉之源流庶不致於湮沒焉

本是中條客遊世入
鳳城知交方數載
合美平生論道通
元妙談心談玉情
白雲可贈疊袖月
堪學玉女青芝際
金門紫炁清氣似
疑獨立竿籊繞著
瀛

歲立開逢攝提

極一陽之月題

為白雲觀監院

合醮鍊師

第十六代
張老律師

袁國榮書



第十六代傳戒律師張合皓字朗然號怡軒陝西西安府



長治縣人氏先世積德至師之父母好善尤篤生師甫弱冠居然厭俗常咏籠鷄有食湯錫近野鶴無糧天地寬之句慨然有出世意未幾父母相繼下世時年三十二歲入終南至郿縣瑤上菴從本善李師為徒深相得也既而訪靈頭神洞張律師博通三教朝夕晤對獲益良多一日有二人過訪貌若乞丐師與語非常人叩其姓氏曰赤腳董曰赤腳石請為弟子弗許益敬事之日久董石二人知師刻苦精勤不懈於志以為是傳道器因導之往投赤腳李李涇陽人德行超邁功候精深於是往來終南華嶽風雨追隨不離杖履深得天人秘奧三教同原宗旨蓋自是師之學日以進遂於乾隆四十二年偕李董二師至京師住白雲觀觀自長春創始以來近五百餘年琴台丹竈清風猶在人間徘徊不忍遽去於是為此地應知客者一十三年六月移住御園永

寧觀見知於侍講學士圖鞞布學士特建延寧菴招住
之越十有五年至五十六年始接白雲觀住持迄嘉慶
十二年閱十六載習勞任苦道行精潔四方諸友欣然
雲集又自念覺人覺世遠近差殊證古證今先後一轍
前賢仰止之難企後嗣追宗而莫及為憫顛愚往求賢
哲開壇演戒說經講法爰諮有衆詢謀悉協於是具禮
幣遣知客張本重於八月下浣徒步往西嶽華山聘請
張律師出山於十二月初六日到觀越明年二月設壇
說戒畢得受戒弟子一百二十餘人甚勝事也張律師
因憶其先程師遺囑曰吾之戒律將來興化於北今日
之舉先數十年程師預知之豈偶然哉張律師遵程師
之言將龍門正宗戒律法脈源流傳之與合皓張律師
師自語曰我春期接法自許願於九月九日設壇傳戒
後至七月間自知不待傳戒即該羽化將大法付與龍
門張合智羽化飛昇

洞門深鎖烟霞蒼上不斷松杉翠
芝田採編玉顏常駐何曾落齒
海上當年羽衣寶髻風蕭蕭吹
記蓬萊舊景簪花飲月經多
少仙家事 渺長途無際
吳淞間曉岐揮淚清風西東
飄然到處人生如寄七十年
華雙眸炯炯照人姿媚信公
神不死述還物外一瓢雲
水

右調水龍吟用白玉蟾真
人系系徑鮑補題

第十七代白雲方丈

張老律師印教習 法偉 合 贈

道光元年所傳舊像呈

政座下時

道光十有五年歲在乙未三

月廿四書於天游閣

後學太清



第十七代傳戒律

師張真人字教智號慧生子京都順天

府通州人也師母親年過三十無子因禱於通州文昌

閣是夜夢一白鶴投入懷中因而有娠當生之時霞光

繞室瑞氣盈門一時父老莫不驚相謂曰此家當出異

人形容端雅色相莊嚴幼而靈敏長而孝慈鮮不以為

人中特色矣無何堂上老人相繼而亡而師亦孤立無

偶因思世態炎涼人情冷暖見名利之浮華觀富貴之

倏忽以此持念不下常懷出世之心自思岩棲谷處代

不乏人修真養性何地無賢遂皈依文昌閣段真人名

下奉令承教殷勤不急一旦遵奉師命參訪維殷雲遊

念切跋山涉水不辭險阻之勞沐雨櫛風甘受程途之

苦下關東而接待往來過關西而參悟玄機已而歸山

飢餐松柏渴飲清泉優遊歲月之間念茲在茲遂得三

皇玉訣之秘旨焉迨參學於白雲觀中內堅其志外篤

其行數載以來立功立行精勤益倍常矣適有華山張

老律師開壇演教傳戒度人而師亦與於其間老律師

將太上大法付與合皓張真人後律師見師氣宇軒昂

心地特達遂受以太上大法自是師兢兢業業恐負所

傳必欲擇一人焉以授之孰知閱歷數載所遇不含有

目擊而非者豈得之易而授之難哉亦得人難而授人

易耳道光十五年有南陽玄妙觀監院呂合震係山東

瑯琊郡人氏行持戒律有年可稱律門法器因將祖傳

大法付與呂合震登壇說戒永其傳焉

呂公純初山左琅琊人也幼而
穎悟喜聞三教典與及長識見宏
遠知有神仙返還之數術遂棄儒
而皈依迺與侶而抱朴跋山涉水
訪遍明區嘗以虛無恬澹為業慈
儉不先為宗徒自無筮筮人
上郭於白雲觀清上棲焉 方丈
張公知 云非俗骨欲以監院事之
屬之固辭不就自以募備為務誠
感德施舉來賓友羣集功行圓
滿去觀入山觀中諸道侶咸其前
備願各捐資募寫

鶴安以誌傾仰并頌以詩云

一行功專真可朝不貪

自利他饒人天果發

堪千載爐火丹成傲

九霄偏入畫圖留色相

任飄雲鶴得逍遙泛

茲閑苑高瞻仰振起

玄宗羨子喬

道光十二年歲在壬辰秋

九月十有八日撰

劉門陳傑拜書



第十八代傳戒律師呂永震字乾初號雷鳴子原籍山東



青州府臨朐縣呂家樓人氏自幼多病好觀道書有出世之想直待慈母殯葬三年之後不戀草芥單騎出門訪道天涯適至濟甯州青鶴洞皈拜度師張本柱名下出家數年之後告假叅訪遊至京都白雲觀受戒當執總理諸事數年大衆推為監院五年退院南遊忽逢南陽車馬來接無奈身至玄妙觀大衆共推監院乙丑五月白雲觀車馬臨門懇請赴都傳戒勢難推却只得身還舊邦監院同衆推為方丈自覺年邁無能為矣只望後人闡揚然既受律師之大法理當傳賢是歲冬月覺有辭世之兆即欲圖就所事祇因際遇不時未敢遽動回憶南陽府玄妙觀監院張宗璿行為端方心地明朗且其才堪任重德足服人堪為玄門之柱石宗教之領袖也今將大法付與受持異日努力護道傳戒登壇修己度人永其續焉

第十九代耕雲張律師

師諱宗璿字耕雲一號桓

萊道人登州鳧山人也幼

而聰敏能通道德黃庭諸

經既而出家嶗山備嘗險

阻嘗主南陽元妙觀廣行

恩義聲聞日著同治丁卯

白雲道衆敦請來京傳戒

登壇兩次接引多人事畢

委觀事於孟方丈豁一遠

而去之南陽又益南浣洞

庭鄂渚之波北逾山海關

抵塞下已而携杖西行大

闡元風寔為後起之秀他

事尤夥不勝書云

後裔高仁嗣謹識



第十九代傳戒律師

張國璿字耕雲號雲樵子原籍山東

登州府福山縣人氏師天資明敏賦性仁慈儀容端雅志行高潔自幼慕道旋在本省萊州府即墨嶗山三官廟出家師自脫俗以來博覽羣經廣參道典普歷名山不憚險阻之苦徧謁高賢惟求玄妙之訣櫛風沐雨卧露餐霜大立冲天之志氣堅守面壁之靜功一旦豁然貫通與道合一不忍獨善其身而以利物為懷遂於江南天寶觀開立常住道衆雲集玄風可觀不料兵荒擾亂移柁於南陽玄妙觀乾初呂老方丈久耳師名乃請師就觀談道數日志氣相洽故傳龍門之大法繼推監院之權衡師自受託之後勤理教政夜以繼日精修妙行嚴以持己寬以待人道衆無不悅服又遇搶匪入境焚掠屠戮慘不可言難民紛紛無所逃避師慈心難忍首先捐資築寨製造軍器協督紳民護守城池且又飯濟難民日來就食之人不下數千所賴全活者豈可勝

計賊匪數逼城垣賴師設計嚴防復同鎮師督兵追勦
身先士卒親冒矢石屢立奇功數年之間贊畫焦勞南
陽危而復安誠謂道教恰是儒教道法即同王法是以
官紳軍民無不感戴合詞詳稟

撫帥李 轉詳咨部復請大藏經全部

恩准頒賜師乃赴都親領尊奉玄妙觀創建經閣重修
殿宇內外煥然迨至丁卯白雲觀道衆公議請師來都
尊為方丈開壇傳戒期滿南歸庚午再請傳戒時值皇
親照公府太夫人靈寄觀中師為虔誦血湖經一藏半
載之久靡有怠容蒙

慈禧皇太后恩賜紫袍玉冠捐金助壇開大戒場伯子
公侯接踵而來請謁聲名播於遠方師忽悟道德經云
雖有拱壁以先駟馬不如坐進此道悟真篇云下手速
修猶太遲故立意潛修究竟本來乃大法未傳恐負呂
老律師之所託遂於衆弟子中選得雲蒙山高仁峒其
為人也道心堅固立志超羣堪為道門法器以大法付焉

長春真人第二十代法裔高明洞

雲溪方丈像讚

泰嶽鍾靈哲人篤生
希蹤道域探秘元功
龍華游攬虎觀提衡
戒徒千眾聲動闕廷
九天下詔御貺褒崇
紫章被服玉冠晶瑩
敕新刹宇內帑鳩工
樓欄榱桷藻繪丹青
愛闢鹿苑臺榭聯楹
松石悅性淞座談經
輝煌慧業大振宗風
允昭後派百世其馨

賜進士出身

諸校光祿大夫顯品頂戴烏魯木齊都統三韓謙題



第二十代傳戒律師



高仁峒法名明峒字雲溪號壽山子

世居山左任城東郭三里營祖父俱以耕讀為業家非殷實而樂善好施師自髫齡淡泊為懷雅愛山水時有厭世出塵之想及年十六歲父母相繼棄世喪葬盡禮哀毀逾恒厥後家人為之議婚師聞之即乘間潛遊奔至雲蒙山白雲岩皈依李真人名下為徒居山學道五載功行後辭師參訪托鉢遨遊四海一身雲水萬里遍歷秦晉吳楚燕趙名勝之區數登海島三上嶗山所遇師友十人類皆高明曠達之士提撕勸勉妙悟愈深嗣於同治辛未年特來金臺求戒適值張老律師傳戒於白雲觀師領受戒法咸慶得人後從張老律師傳戒於閩東陝西等省所獲戒士不乏良材迨光緒二年春仍還京都養靜於聖米石塘山居一載研究玄妙之精暇時手著雲水集歌訣偈語贈答道人諸篇言簡意賅曲盡道妙道侶爭求各編以先覩為快師本擬長此靜修不問世事緣陳大師毓坤再三勸駕義不容辭於次年端陽月下山棲跡白雲觀冬月經道衆舉為監院時師年三十七歲自謂才疎道淺難勝鉅任惟有任勞任怨竭力為之執事數年叢林咸稱悅服師謙抑為懷求退未果嗣經道衆推師為方丈受任後慘淡經營維持觀務百廢俱興且師輕財樂善性喜交游當道名公巨卿羣相遇訪車馬冠蓋絡繹於途一時稱盛事焉嗣於八年八月間壇傳戒百日圓滿四方求戒者得四百四人內有陳明需志趣遠大才裕品端堪為法門柱石遂以大法付之以期繼起有人云爾

白雲觀第二十一代方丈

蘇壁陳大真人像贊

天風浩蕩海日騰光

真人誕降渡世慈航

紫芝眉宇體道含

章白雲長願處玄

夏鄉派宗柱史德繼

旌揚戒壇宣律斯道

彌昌極四浩劫拯溺

眼強扶翼宗教肇

國茂邦中央集會

化及萬方危微授受

山高水長

提督大內宮中阮儀

江州宗政教



第二十一代傳戒律師陳真人名明霽



法名至霽

字鍾乾

號毓坤道號

玉峯子世居天津海濱以耕讀傳家向稱

望族師誕生於咸豐甲寅年幼而聰敏秉性至孝侍母

素食不茹葷酒稍長即有超凡出世之想年二十四歲

投拜新城聖海宮陳真人圓嵐為師研究道妙別具會

心厥後赴關東千間二山訪道徧歷名山大川屢遇異

人傳授心法光緒壬午年高雲溪方丈傳戒於白雲觀

師躬逢其盛而才冠羣賢雲溪方丈遂將大法付焉彼

時監戒大師張明治將所受張耕雲老方丈之法亦付

於師囑為代傳道脈足徵我師道德名譽夙為衆所欽

佩甲申年雲溪方丈復開戒壇師任引禮大師是年冬

雲溪方丈因事棘手託故遠遊維時張耕雲老方丈在

觀客居姚霽雲大師為監院闔觀道侶莫知所措惟師

力持尋覓雲溪方丈回觀之議乙酉春親赴西山聖米

石塘尋訪未遇復往延慶州滴水岩龍門赤城獨石口
九龍泉等處始晤雲溪方丈面費盡心力設法勸接回
觀是役也涉水跋山風餐露宿不憚艱難險阻之苦獨
力維持觀中大局其心勞矣其功偉矣是年師因母患
病告假省親不意遽遭大故哀毀逾恒葬祭如禮事竣
回觀旋任總理都管各執事創修花園工程襄辦永久
會務並置買昌平州田地十三頃均屬實事求是勞怨
不辭辛卯秋任監戒大師敬慎將事冬月因積勞過甚
退居宣武城南之玉皇廟養疴自署齋名曰安樂洞天
杜門著書不問世事師生平最嗜理學於理學家著述
名言罔不搜羅參考理學貫通則道妙愈悟尤好讀義
經研求玄理每有心得蓋五年潛心靜養遠勝十年閉
戶讀書因是學術道德與日俱進焉丙申春師聞聖海
宮陳老真人病篤馳回新城本廟侍奉湯藥而真人旋
即羽化師為之殯葬如禮是年秋雲溪方丈又開壇傳